

武功志

蓋開九黎之亂首帝與師三苗不庭重華受律保  
大為武安民高功自昔帝王未有不藉弧矢之利  
以成天下也蓋部太白揚眉參旗并鉞地稱用武  
振古如斯哉

開明國之初龍驤討罪肯定岷岷狼種輸忱全收功筭  
遐陬僻壤蓋莫不共凜

文成之震疊矣城口蜀之邊陲罕見兵革自教匪不靖

城口廳志

卷十二

武功

一

小醜跳梁元戎寄之重臣於茲十年之久敵愾資  
乎兵勇曾經百戰之勞救民水火之中還師衽席  
之上膚功早奏

聖武維昭此豈特績紀燕然勛標銅柱而已哉志武功

城





平定教匪紀畧

乾隆五十六年陝西妖道韓龍

係首逆劉由平利之協之徒

縣之漳河入川境城口后坪一帶傳教

乾隆四十年河南鹿

邑人劉松以混元教邪匪發配甘肅隆德縣松先

收安徽太湖縣人劉之協為徒五十三年來探其

師商復舊教欲覓一人捏名牛八偽稱明裔又云

劉松之子四兒為彌勒佛轉世當輔牛八入教時

可免諸厄借此歛錢之協又收宋之清為徒之清

遠傳日眾復以河南南陽人李三瞎子為師謂其

子即金刀常大貴之協教內人多從之之協尋得

江西秦和縣人王廷詔之子雙喜兒年十一歲以

為牛八乾隆五十八年之協與其徒襄陽樊學明

陝西韓龍四川謝添鏞謀為不軌陝甘總督勒保

訪獲劉松逮訊後獲宋之清等均論如律是時劉

之協在逃遂潛居新野縣地方令其黨往來各首

城口廳志

卷十二

武功

糾眾作亂後為葉縣知縣廖寅詰獲解京鞫出逃後情事凌遲處死

云其教起自西

域無生老母白衣觀音坐白蓮臺上言黃天將死

蒼天當生大劫在邇人民有難傳授靈文勸人吃

齋拜燈以免諸厄名曰白蓮教入教者先出銀兩

名曰根基銀五兩者可免一身災難五十兩至一

百以上者免劫後尤有富貴以根基銀之多少為

富貴之大少習教者于每夜聚眾拜燈唸靈文並

詭稱燈花如斗大簸箕可以騰雲板橙可以騎馬

刀鎗不能近身以此煽惑人心誤入者眾漸至太



和場草街子經七保總約袁長寬葉國棟等覺其  
事赴達州今綏定府稟報五十九年委太平縣知縣徐  
麟趾都司劉等來境查拏至嵐溪后河陳姓家捉  
獲習教奸民汪老五等十四名解達州審辦韓龍  
與其徒孫老五等預逃嘉慶元年九月二十四日  
七保奸民殷成富馮升蕭漢章等率衆二千餘人  
各將自居房屋焚燬揭竿齊上石溪河之鴿子山  
建白旗上書官逼民變殷馮蕭替天行道等字架  
木爲城鑿木爲礮自稱偽號十月初二日九保妖

城口廳志

卷十二

武功

三

民黃富才鄭學智朱二空子率衆三千餘人踞黃

泥灣徐添富即添德之兄卿有義黃道士等率衆四千

餘人分踞九保鞍子坪繫馬坪譚大順等率衆一

千餘人踞七保光頭山又奸民數百人踞戈耳灣

粟兒坪其他太平達州東鄉巴州通江大寧等處

教匪同時蜂起太平縣則有龍紹周徐萬富龔建唐大信王國賢作亂于冲天觀南

津關達州則有徐添德與其弟添壽及王登廷張

泳壽趙麻花汪瀛熊翠燕方清陳侍學作亂于亭

子舖東鄉則有王三槐冷添祿張子聰度向岳符

日明劉朝選湯思蛟張簡作亂于豐城巴州則有

羅其清與弟其書及苟文明鮮大川作亂于方山

坪通江則有冉文傳與其姪添元添泗及王士虎



陳朝觀李彬楊步青蒲天保景英作亂于王家寨  
大宜則有陳崇德作亂于老木園

先是湖北陝西等處教匪倡亂至此川匪齊皆響

應嘉慶元年正月湖北宜都縣聶傑人張正謨向

灌灣腦荆門州則有楊起元熊道成陳德本攻破

當陽據其城來鳳縣則有楊子教作亂于小均譚

山三月襄陽教匪劉啓榮與齊林之妻齊王氏樊

倫高均德王先祖作亂于黃龍瑞五月孝感縣有

賊黨楚金貴魯惟志等嘯聚胡家岩宜昌府復有

林之華覃加耀作亂于長陽縣之柳坪陝西興安

府之安康縣奸民馮得仕作亂于將軍山翁祿五

安嶺胡知和廖明萬李九其時四川官兵半調赴

萬等作亂于汝洞二河

城口廳志

卷十二

武功

五

湖南苗疆惟署四川總督侍郎英善遠駐省垣鞭

長莫及城口主簿蔣曰紀汎防把總馮繼世諭同

七保袁長寬袁仲熊啟鳳王晏齡熊濟昆陳繡裳

葉國棟馬向周鄧昌運胡瑞祥張傳文龔命宏張

金堂胥文祥聶愈宦蕭上應李錦章熊相周等圍

集鄉民三千餘人並汎兵五名于十月初八日進

攻鴿子山因木城堅固地勢險要連日攻打不下

陣亡鄉民毛學富袁均才等七十餘人至十六日

四路圍攻半日未分勝負蕭上應乃于賊寨對山



用大礮轟破木城中賊藥局火發賊潰鄉民乘勢  
搶入木城斬殷馮二渠首級俱懸草街焚殺賊衆  
一千餘人餘賊竄入川陝交界之南天門老林屯  
紮鄉民等跟尋追及擊之賊轉奔九保與黃泥灣  
賊衆合營是月奉示于太和場招募鄉勇自是始  
名目七保總約袁長寬等為首建義旗置號簿鄉  
民願充者書姓名于上以精明強幹素為人所推  
服者分領之皆自備資斧時城口地方富足蓋藏  
頗多好義輸粟者衆故不必籌慮糧餉  
製造鎗矛及擋牌器械以備征戰七保袁長寬袁  
仲領鄉勇袁大統李宗琥等六百餘名蕭上應李

城口廳志

卷十二

武功

六

錦章熊相周領鄉勇三百餘名熊啟鳳王晏齡胥  
文祥熊濟昆領鄉勇四百餘名陳繡裳馬向周鄭  
昌運領鄉勇二百餘名張金堂張傳文胡瑞祥領  
鄉勇二百餘名齊赴黃泥灣與九保龐黠然陳仕  
忠金中元領鄉勇龐時亨等四百餘名朱一見朱  
一元龐聯元領鄉勇七百餘名孫文魁孫正朝領  
鄉勇三百餘名會于堡子坪十一月二十二日合  
攻黃泥灣破之生擒教首鄭學智朱二空子在廟  
梟首殺賊七百有奇餘賊奔往平坝與鞍子坪賊  
示衆



衆合營坪在平坝寺後山上極險峻多老林高數  
十里可住數萬人其南高聳一峯爲燈柱  
山直連廟坝西扼沿口溪之絕澗東臨白水洞之  
岸山皆懸巖陡絕北倚康家山康家山畔名鞍子  
坪坪西皆鼓卡隘中爲巢穴屯賊三千餘人倚燈  
柱山畔爲繫馬坪周圍皆架木城屯賊三千餘人  
二坪相連爲特角勢七九保鄉勇追賊至平坝場遇太平營  
都司謝開先帶兵二十五名同城口汛防把總馮  
繼世帶兵五名在彼住紮兵勇會合于十二月初  
八日由百花園大丫口進攻鞍子坪賊衆皆伏木  
杆之下施放鎗礮連日傷斃官兵五名鄉勇六十  
八名袁長寬熊濟昆等探知賊巢火藥囤積康家

城口廳志

卷十二

武功

七

山寨內遂桃健捷鄉勇五百名各暗帶火繩並紙  
爆竹爲引火之物于十四夜三更後潛往康家山  
爬巖至賊寨後山頂上埋伏十五日黎明都司謝  
開先把總馮繼世同鄉勇頭目等帶兵勇一千餘  
名仍由大丫口進勦龐黠然等帶鄉勇數百名由  
燈柱山進勦朱一元等帶鄉勇數百名由康家山  
進勦袁大統等帶鄉勇數百名由沿口溪進勦其  
餘鄉勇四面環攻埋伏鄉勇熊濟昆等見兵勇齊  
集即于山頂點然爆竹引線拋入賊寨引發囤貯



火藥並掀礮石攻打各路鄉勇見賊寨火起乘勢  
撲入卡隘賊不能敵齊奔繫馬坪木城內堅守相  
拒自辰至午賊令營中婦女數百人環立偽號旗  
杆之下見我兵施放鎗礮婦女等以衣招之詭言  
彼有邪法鎗不能近鄉勇袁大統最善打獵鎗無  
虛發其鎗重一十六觔一鎗能發數子奮勇當先  
三鎗連斃一十七賊衆始大潰鄉勇等齊越木城  
而進焚殺賊衆三千餘人鎗斃賊首黃富才卿有  
義活捉賊首蕭漢章黃道士徐添富俱在平坝餘  
象首示衆

城口廳志

卷十二

武功

八

賊四散逃遁其戈耳灣栗兒坪賊匪數百人先于  
十月初十日經朱一元等帶鄉勇撲滅淨盡惟光  
頭山賊匪藏踞老林未平十二月奉陝甘總督總  
統軍務宜綿檄調城口七九保鄉勇三千名赴太  
平縣護城其領鄉勇之袁長寬等數十人均給八

品軍功頂戴委牌嘉慶元年  
十二月

各匪悉平皆七九保鄉勇之力即賞給領首諸人  
八品軍功並聞太平南津關等處賊匪猖獗隨調  
城口鄉勇赴太平縣守護城池是月

命成都將軍觀成自湖北旋調攻冲天觀南津關教匪十  
回川協勦川匪

上命陝

命成都



二月二十三日城口鄉勇路過竹園溪遇陝西竄入川境五朵雲孫老五股匪接戰殺賊七百四十六人活捉賊匪四十七人槍旗三杆大礮二尊刀矛無數陣亡鄉勇蔣國聘蔡貴等四十八名是日紮營白沙河馬殿坝二十四日賊復來撲營鄉勇將賊殺退殲賊數十人追數十里賊奔高家寨合營嘉慶二年正月初八日城口鄉勇隨總統宜綿所帶官兵圍攻冲天觀南津關鎗斃賊衆數百人賊潰圍奔逃鄉勇等窮追數十里至金竹山元坝

城口廳志

卷十二

武功

九

子賊埋伏兩山截殺軍功陳仕忠及鄉勇等四百餘名二月復調攻東鄉張家觀賊匪四月又調攻

通江王家寨

二年正月陝甘總督總統宜綿帶兵勇攻破太平南津關二月遂至東鄉

與署四川總督侍郎英善成都將軍觀成克復東鄉縣治是月

上命署

廣州將軍襄勇伯明亮署領侍衛內大臣子爵德

楞泰入川與總統宜綿會攻金鶴寺署四川總督

侍郎英善調署陝甘總督以總統宜綿兼署四川

總督令重慶鎮總兵百祥攻冉文傳于通江縣之

王家寨時聞楚陝各匪竄入城口七九保鄉勇多回

本境各保村庄從征東鄉通江者不過數百人後

皆于各處打伏陣亡湮沒無考者僅數十人



而已是月襄陽賊匪與四川等處賊匪分青黃藍

白等號為記並設掌櫃元帥先鋒等偽號二年四月襄陽

首逆齊王氏樊人傑姚之富王光祖等為楚省官

兵追逼由陝入川與徐添德王三槐等逆合四川

達州首逆徐添德稱連州青號徐添壽王登廷張

沛壽趙麻花江瀛熊翠熊方青陳侍學等附之東

鄉首逆王三槐冷添祿稱東鄉白號張子聰度向

瑤符曰明劉朝選湯思蛟張簡等附之太平首逆

龍紹周稱太平黃號唐大信龔建徐萬富王國賢

唐明萬賴遷隴等附之巴川首逆羅其清稱巴川

白號羅其書解大川苟文明等附之通江首逆冉

文倚稱通江藍號冉添元冉添泗王士虎陳朝觀

李彬楊步青浦添寶景英等附之雲陽首逆林亮

功稱月藍號林定相張長更蕭占國包正洪張長

青等附之奉節首逆龔文玉稱線子號龔其位卜

三聘陳得俸等附之襄陽黃號則齊王氏樊人傑

城山廳志

卷十二

武功

王廷詔姚之富王光祖為首附以伍金桂伍懷志

辛聰辛文雁洪勝曾之秀齊國謨伍奎元襄陽白

號則高均德張添倫為首附以宋國富楊開甲高

二高三馬五王凌高星斗魏學盛陳國珠高見奇

楊開第襄陽藍號則張漢朝為首附以李朝李棟

詹世爵陳傑劉允泰張什冉學勝戴世傑趙鑑崔

宗和胡奉大府示諭令鄉勇于各隘口設卡防堵

明遠

城口李國忠等率鄉勇在七保五里坡設卡堵禦

唐魁聶宗朝冉映棠等率鄉勇在羊耳垵戈耳灣

等處設卡堵禦袁長寬袁仲等率鄉勇在青灣子

板橙梁等處設卡堵禦林向陽等率鄉勇在沱溪

了洞子口等處設卡堵禦蕭上應李錦章等率鄉



勇在椒子了后坪等處設卡堵禦胡瑞祥胡煥璣  
等率鄉勇在寨坡高觀場等處設卡堵禦張金堂  
等率鄉勇在剪刀架設卡堵禦朱一元朱一見等  
率鄉勇在花椒了平坝等處設卡堵禦龐黠然等  
率鄉勇在白水洞設卡堵禦孫文魁孫正朝率鄉  
勇在月兒了朝陽坪等處設卡堵禦城口主簿蔣  
曰紀吏攢王盛（六）率鄉勇在小河口設卡堵禦是  
月有陝西五朵雲股匪吳啟貴等百餘人由陝入  
境自羊耳坝至小河口涉水而渡走廣線垭去太

城口廳志

卷十二

武功

十一

平五月二十三日襄陽藍號賊首張漢潮等率衆  
數萬越陝西紫陽由大竹河至境衝破小河口卡  
隘擄主簿蔣曰紀遇害直趨城口上至修溪坝連  
營數十里屯紮一月有餘肆行焚掠屋舍皆墟裹  
脅男女數千人後由菜子坝后坪去大壺初賊之  
至境也居民散處不知修寨紮洞屯糧團練以自  
衛僅將各家銀錢米粟什物等項掘窖掩埋男婦  
大小及猪牛牲畜皆躲匿于附近之林箐巖穴中  
或有閉戶以避者賊至徧山窮搜擄獲無算凡老



弱衰病不屈者悉殺之其健壯者脅之降以為戰

手開其地窖以充糧食器用城口之所以受害最

久者皆由於此

二年六月尚書總統惠齡領楚省

人傑等

八月襄陽黃號齊王氏樊人傑等股匪由

陝西入太平至境自大河而上往大宜沿途焚殺

擄掠男婦數百人

十二月尚書惠齡領官兵由太

追勤川中之兵不敷調遣以鄉勇繼之是月調雲

貴總統督威勤侯勒保為湖廣總督代宜綿為四川

命前署陝甘總督英善以刑部侍郎來川與副都統銜福

宣駐達州籌辦後路糧餉時各匪往來川東川北

### 城口廳志

### 卷十二

武功

### 十二

居民散處裹脅甚眾因探堅壁清野之議通行各  
屬令百姓紮寨屯糧團練鄉勇以期自衛並設法  
招撫賊中三年三月十三日太平黃號賊首龍紹

周唐大信龔建達州青號賊首徐添德李淑東鄉

白號賊首冷添祿襄陽黃號齊王氏樊人傑熊世

宏又月藍號股匪巴州白號賊首羅其清股匪均

為官兵所敗竄入廳境共眾十數萬肆行焚殺擄

掠男女不計其數自是時往時來絡繹不絕

五月先是

四川將軍觀成湖廣提督劉君輔因勤賊逆延奉

旨草職至是勤賊老本園

賞給頭等侍衛銜八月奉

旨晉封總勅保一等公因攻安樂坪生擒王三槐之功



十一月陝楚各匪並四川各匪四面為官兵所逼復入廳境山中著名賊首齊王氏樊人傑張天倫龍紹周唐大信殷成富張世隆苟朝九趙丙富羅思蘭冷添祿殷潘富李淑度向瑤等率眾十數萬散布廳境滋擾月餘蹂躪不堪十二月杪悉往陝

西漁渡坝合營

四年正月

特授勒保為經畧大臣節制川楚陝甘豫五省軍務命永保以舊領侍衛齎送經畧印信馳驛來川即在領隊侍衛上行是副都統銜明亮額勒登保均授副都統為參贊大臣分路帶兵川省糧餉專交副都統街福宜管理

四年二月初賊首龍紹周唐大信熊世洪

城口廳志

卷十二

武攻

十二

馮啟貴李含升等為陝省官兵所敗復由紫陽入太平自大竹河至廳境其他青藍黃白月藍線子等號賊匪皆相繼而至下至平坝上至高觀場一百八十餘里沿河兩岸俱為賊屯紮擄殺廳民幾無孑遺四月初參贊大臣額勒登保內大臣子爵德楞泰分路帶滿漢官兵數萬自大宜一路由菜子坝而進自陝西一路由高觀寺而進廳境自元亂至四年四月始有官兵入境跟賊尾追至修溪坝接戰賊數千賊眾大奔鋪山匝野過三晝夜官兵追殺至草



街子沿途殲賊數萬衆屍骸滿道河水盡赤餘賊  
四散居民始修寨洞以為保固官兵過後各股零  
匪或數百人或數千人梭織不斷刻無休息是時川省

紫寨圍練鄉民各能自衛

命飭各省仿照辦理六月奉

旨騰黃招撫被脅難民八月

命吏部尚書魁倫來川速經畧大臣勒保入都因徐添德

股匪二千餘人為官兵驅擊竄入楚界

係經畧半年弗蕪厥功又有賊衆入楚之奏故速

問以副都統額勒登保加都統銜為經畧大臣以

副都統銜德楞額奏為參贊大臣以尚書魁倫署四

川總督以內閣學士廣興副都統托津來川代副

都統銜福宜接辦糧餉成都將軍慶成亦緣事解

任以直隸古北口提督世襲誠

謀英勇公阿迪斯為成都將軍

城  
口  
廳  
志

卷  
十  
一

武  
功

十  
四

三四兩年賊匪常在廳境出沒屋舍皆燬蓋藏亦  
空民盡流亡無人耕種田地皆為荒蕪居民以草  
根樹皮為食餓死者衆時城口主簿張雲漢因衙  
署焚燬住紮戈耳灣林同寨七保糧民林向陽康  
維臣張名發李泗海等公請主簿張雲漢至太和  
寨修理衙署鎮撫難民借給銀兩採買牛種俾民  
耕種林向陽復同康維臣等赴太平縣知縣鍾璠  
雲案下呈懇撫卹並請兵禦賊七月九保廟垣軍  
功龐黥然率團勇五百人于白水洞鎗斃賊首唐



大信殺賊一百餘人賊衆以李顯碧爲僞元帥次日攻寨復敗之向後烟山道即以軍功麗黥然

賞戴藍翎擢陞把總九月兵猶未到賊復至主簿張雲漢

諭令林向暘等集寨勇一百餘人又傳諭各寨共

齊民勇一千餘人攻破賊營殺賊數十人搶馬四

匹餘賊潰散當稟明經畧以主簿張雲漢鎮撫有

法保舉加陞三級寨首林向暘吳珍冷光輝李泗

海均給八品軍功五年正月成都將軍阿迪斯提督七十五先後被劾

上命參贊大臣德楞泰自陝入川前經畧大臣勒保釋罪以藍翎侍衛爲領隊大臣馳驛赴川協勤旋奉

城口廳志 卷十二 武功 十五

命署成都將軍二月勒保以四品頂戴授四川提督參贊

大臣德楞泰授成都將軍四月署總督魁倫以潼河失守奉

旨逮問

命勒保以提督署四川總督兼辦糧餉並

命副都統托津通政司副使廣興回京八月授勒保爲四川總督

賜二品頂戴仍以七十五爲四川提督

十月賊又從陝西由修溪坝至竹園坝等處經過

太和寨下寨民用大礮斃數十人賊繞河東紆道

而走十二月賊又從明通井由七杆山至太和寨

乘夜偷營寨民先覺其事預伏滾木礮石打死賊

衆數十人內打死賊首殷潘富經畧大臣額勒登



保奏其事主簿張雲漢

欽加同知銜

賞戴花翎寨首林向賜加六品軍功

六年二月將軍觀成及副將閔帶兵五千餘名在老營盤桂紫五月副將褚大榮帶兵三千餘名在

寨坡防堵

六年九月奉

旨賞選物保頭品頂戴

賜三等男爵十一月奉

旨經善大臣額勒登保

晉封三等伯參贊大臣德楞額

晉封二等伯賽冲阿

賞給騎都尉世職溫春

城口廳志

卷十二

武功

十六

賞給雲騎尉

世職

七年川東大股賊匪漸次肅清惟城口陝楚接壤山多老林打散零匪或數十人或數百人竄匿其境兵至則走兵去復來焚殺擄掠以為民害七年六月

奉

旨晉封勒保一等男爵

晉封德楞額三等侯七月奉

旨額勒登保晉封一等伯餘各

頒

旌擢有策

八月參贊大臣侯德楞額秦屯兵諸葛城翼長薛烈及滿漢官兵數萬人皆紮于此十一月奉



旨額勒登保晉封侯爵十二月經畧大臣額勒登保馳報  
三省肅清時賊中巨寇悉就殲擒黨與亦均殄滅

旨經畧大臣額勒登保晉封一等侯參贊大臣德楞泰  
賞用紫韁勒保各加太子太保銜

晉封一等伯其餘將領明亮賽冲阿楊遇春等疆臣惠齡  
吳熊光等酌加

懋賞仍命經畧大臣侯額勒登保參贊大臣德楞泰與四川總督  
勒保督兵搜捕餘孽自八年春至六月三路督兵

勤滅餘匪八年七月經畧大臣侯額勒登保參贊  
大臣侯德楞泰與四川總督勒保會軍于太平廳  
飛章奏報肅清奉

旨優賚有差是月參贊大臣侯德楞泰馳驛入都經畧大  
臣侯額勒登保赴陝楚查看邊隘情形四川總督  
勒保駐軍綏定府遣撤各省兵勇分派鎮軍于險  
隘之地駐兵留防善後事宜冬十一月仍還成都

城口廳志 卷十二

武功

十二

嗣陝省南山餘孽勾結土賊潛出為患擾及川境 八年官兵在廳境老林

搜捕餘匪九年正月賊首王作金苟文潤苟朝富

羅思蘭等率零匪二百餘人號為大賊盤踞廳境

時

欽差大臣成都將軍侯德楞泰與提督楊遇春令將領羅

思舉桂涵李廷臣等督兵分路窮搜十一月九保平

垣武生軍功朱一元率鄉勇掣獲賊首苟朝富

恩賜武舉九月初三日

欽差大臣侯德楞泰駐軍城口營籌辦善後事宜至十年



正月二十八日撤兵二月提督豐紳復駐此留防

至四月始去城口教匪始末其大畧如此九年

上帝成將軍侯德榜秦回川更換經畧大臣侯額勒登

上領

欽差關防交成都將軍侯德榜秦督師搜捕與各提督分  
路進兵深山老林窮搜殆徧至十年正月乃悉平

城口廳志

卷十二

武功

六



嘉慶元年十一月初十日奉

上諭英善奏設法籌辦賊匪一摺閱圖內賊匪在袁家石壩等處及東鄉太平縣之丹家壩鴿子山一帶屯聚經英善分派兵勇四面圍堵看來該處賊匪尚屬無多不致肆出蔓延但周圍所設卡座既多兵力未免稍形單弱此時勒禮善所帶滿兵自己早到昨又有旨令宜綿等帶兵分赴達州太平等處協勦諒此烏合教匪無難一鼓成擒本日英善之報係由五百里馳遞想英善因該處賊匪易辦故祇用五百里但事關軍務究應迅速

城口廳志

卷十一

武功

十九

奏聞著傳諭英善嗣後常用六百里馳奏爲要前據勒禮善奏親帶滿兵一千名于十月十二日分起啟程何以尚未到彼又額勤登保等奏派令總兵袁國璜帶兵四五百名前赴達州亦應早到何以至今尚未見該鎮帶兵勦賊著傳諭勒禮善袁國璜務當幫同英善上緊勦辦勿稍遲延昨據宜綿奏帶兵二千名前赴達州並據奏承恩柯藩奏陝界之黃柏棚有川省賊匪千餘竄入滋擾現于西鄉紫陽平利一帶堵勦川省賊匪既竄入陝西界應迅速殲除著傳諭該督等遵照昨旨將陝



境邊界逸入賊匪趕緊勦淨迅赴川省會同英善等將  
袁家石壩鴿子山等處賊匪四面兜勦悉數撲滅以靖  
地方而副委任至滋坵之賊竄入黃柏山藏匿尚須跟  
蹤追勦此時福宜觀成正在帶兵搜捕而川省賊匪無  
多尚易勦辦且該處帶兵大員已不乏人福宜觀成俟  
辦竣黃柏山賊匪酌量情形如川省無須伊等前往仍  
赴湖南軍營協勦為是再永保等一路現在新調生力  
官兵早已到齊何以總未據奏到勦賊情形節經降旨  
飭催著再傳諭永保等務宜上緊圍勦查明劉之協姚

城口廳志

卷十二

武功

二十

之富實在下落設法生擒勿留餘孽若再不知愧勵督  
率新兵加倍奮勉或致兵力又形疲乏永保等自問恐  
不能當此重戾也將此由六百里加緊又緊傳諭宜綿  
等並諭永保福宜觀成恒瑞慶成勒禮善袁國璜知之  
仍著各將勦賊得勝捷音迅速加緊又緊馳奏以慰塵  
注欽此

嘉慶元年十二月初八日奉

上諭現因四川達州並所屬之新宜太平東鄉地方教匪  
滋事並闖入陝西漢中府所屬之西鄉及興安府之安



康平利紫陽等縣業經官兵痛加勦洗不日即可撲滅  
淨盡第念各該處被賊滋擾召募鄉勇堵禦茲運送軍  
糧耕作不無失時殊堪軫念現在已屆歲底本年應徵  
錢糧自己全完所有四川達州新寧木平東鄉並陝西  
漢中府所屬之西鄉及興安府所屬之安康平利紫陽  
等州縣明年應徵地丁錢糧俱著交該督撫查明普行  
豁免以示朕惠愛良民格外恩施至意欽此

嘉慶元年十一月二十四日奉

上諭英善等奏奪佔馬鞍山賊卡勦殺賊匪情形一摺此

城口廳志

卷十二

武功

二十一

次英善等挈獲奸細訊出賊匪欲往普子嶺一帶奔竄  
預派員弁帶領義民首衛國平等在蔣家山等處埋伏  
誘令賊匪向前痛加勦殺攻克馬鞍山賊卡並密飭道  
員李銘在太平購線將傳教之徐添富擒獲寸磔梟示  
所辦實在可嘉英善等一路官兵無多乃能設計誘殺  
賊匪奪佔要卡並生擒傳教首犯實爲出力不特前費  
花翎搬指荷包不必辭繳現屆年節茲著賞給英善勦  
禮善佛住喜字王搬指磁搬指套各一個荷包金銀八  
寶各一分金銀錢各一個以迓春祺而徵吉兆其道員



李鏗副將富明阿都司五十六知縣吳昇崔特峯州判  
沈咸賓縣丞呂朝恩巡檢朱向隆千總廖廷超把總張  
應祿外委周定國俱著咨部議叙馬兵王陞著拔補千  
總義民首衛國平王丕承田秀起桂添總王家祿蕭露  
瀛李逢春均為奮勉但何人最為出力及有無職銜未  
據詳悉聲叙著英善量其出力等差以六七八九品頂  
戴一面開單具奏一面傳旨賞給以示鼓勵英善等自  
已乘得勝之勢尅期進攻且首犯徐添富業經生擒伏  
法而鑄就大炮不日亦可到營諒茅坪張家觀賊匪無

難一鼓撲滅此兩處賊匪殲淨後英善等自必移師太  
平上緊勦辦但茅坪張家觀及太平一帶賊匪勦除後  
達州境內是否一律肅清不留餘孽著英善等即行覆  
奏看來達州之賊烏台無能尚非湖北賊匪可比但究  
不可不及早掃除以靖地方宜綿此時自己將汝洞二  
河賊匪辦竣速往太平協勦而觀成自黃柏山前往諒  
亦可到彼且前調滿兵土兵又陸續調齊該處賊匪疊  
經英善等就現有之兵尚能奪賊要卡殲擒賊首則宜  
綿觀成帶兵到彼後軍威壯盛更可尅期掃除剷淨餘



肇著傳諭宜綿觀成務當會同英善等趕緊勦辦于年  
節內馳遞捷音以副委任而膺懋賞將此由六百里加  
緊又緊傳諭宜綿等竝諭勒禮善佛住知之仍將勦賊  
情形迅速加緊馳奏以慰塵注欽此

嘉慶二年六月二十日奉

上諭觀成奏馳抵大壺並截殺撲卡賊匪情形一摺所辦  
上好已于摺內批示大壺賊匪由黑天池紅線巖逃緊  
九龍池為恃險負隅之計實為可惡六月初三日賊匪  
乘黎明入霧潛過溪溝欲撲洗沙溪經官兵乘勢勦殺

城口廳志

卷十二

武功

二十三

所割首級十三顆生擒賊匪三名為數畧少但關摺內  
九龍池賊巢外祇有賊卡三處官兵已曾拏卡緊逼賊  
巢勢已窮蹙况該處賊匪無多官兵未到之前地方文  
武尚能擒獲賊首陳青雲則賊之伎倆已可概見今觀  
成帶兵五百名列彼即得勝仗其續調兵六百名此時  
自早到而劉君輔馬瑞徐昭德亦先後帶兵前往再細  
閱圖內賊巢已被官兵圍困斷不致又竄至竹山竹溪  
該提鎮竟不必在彼株守務宜加緊行走直赴大壺與  
觀成會合夾擊諒此無多烏合無難一鼓殲除此時觀



成等惟當倍加奮勉擒獲首逆陳崇德殲淨餘黨以靖  
地方一經竣事觀成劉君輔馬瑀徐昭德均即帶領勝  
兵馳赴太平西鄉一帶幫同宜綿等迎勦楚匪更可迅  
速歲功惟閩圖內賊巢東西北三面俱有官兵營卡其  
南面較空雖該處係大山又有溪河一道可以攔阻究  
恐賊人因兵官三面進壓乘隙向無卡處南竄至雲陽  
一帶追捕豈不又須費手已于圖內用硃筆圈出如此  
旨到時觀成等已將九龍池賊首攻克殲擒各犯固屬  
甚善如尚在攻勦惟時劉君輔等俱已到齊兵力衆多  
城口廳志

卷十二

武功

二十四

應遵硃筆標識處所酌分官兵擊卡圍逼更可無虞竄  
逸此為最要至九龍池賊究有若干摺內未據聲明並  
著觀成遇便覆奏欽此

嘉慶二年六月二十七日奉

上諭城口賊匪距大寧遠至八九百里不等賊匪揚言欲  
向該處明係牽掣官兵奸計宜綿等料其不能聯絡所  
見正是觀成到大寧後已得有勝仗而續調之兵此時  
自己早到前經降旨令劉君輔馬瑀徐昭德不必在竹  
山竹谿駐劄徑赴大寧協勦著傳諭該提鎮等務宜迅



抵該處與觀成會合夾擊以期早完一處則地方早得  
一日宣謚一經竣事即可趕赴宜綿等處幫同勦辦更  
為得力將此由六百里加緊又緊傳諭知之欽此

嘉慶四年奉

上諭地方義勇鄉民隨同官兵打仗出力上為國家敵愾  
下為鄉里保障其中有不顧軀命力犯先鋒並身陷賊  
中抗節不屈者以小民而能激發於義憤志切同仇深  
堪嘉憫若不據奏上聞加之獎賞則鄉勇等殺賊既不  
能敘功徒死亦竟無贈卹似此漫無激勸伊等豈肯用

城口廳志

卷十二

武功

二十五

命甚至被賊裹脅轉為賊匪所用亦未可定前此松筠  
奏請加恩寔為得當從來軍營中未有奏及者著傳諭  
明亮等各路鄉勇如果有忠義奮發殺賊陣亡者皆當  
照松筠所奏一體辦理其隨征打仗倘有分外出力者  
亦須隨時獎賞並可酌給頂戴既足以示鼓勵而眾鄉  
勇亦可藉資激勸俾有統率不致散漫無紀又賊匪脅  
從難民節經降旨諭令妥為招撫昨據勒保奏同時散  
出者有數百人至千餘名不等並將安撫事宜開單進  
呈此等民人真心一出若固多而心懷反側者恐亦所



不免于受撫之中仍當寓防閑之意使之即時散處勿令聚集一處方爲妥善倘有來斯受聽其往營盤充當夫役其爲數多者既慮有心懷叵測之人又生反覆或乘夜驚擾搶劫糧餉軍火等項殊有關係即爲數少者亦安知非一時詐降或爲賊探聽軍情機密仍復乘間逃回轉致賊匪得以知我虛寔朕聞各路軍營中遇有逃出一二人即令當夫助役迨數日後其人已不知去向亦復置之不問如此全無防範又何怪賊匪之奸細衆多往來自若耶自後各路軍營遇有投出難民務須

城口廳志

卷十二

武功

二十六

即交地方官詢明來歷妥爲分別安置並量爲周給俾得依棲有所口食有資勿使停留聚處別滋事端此等難民若不妥爲經理速行安頓則投出之後仍復難免流移設使饑餓難堪必至又去而從賊何以廣招徠而散賊黨耶總之辨理賊匪惟當以勦爲重如能將真賊痛加截戮使之震懾軍威則其附從黨與及被裹脅之人自必畏死紛紛投出而安撫之事尤在隨時分散安置得所于軍務方有實效也再邪匪滋事起自楚峯沿及河南川陝地方三載有餘黨夥幾及十餘



為其中附和裏脅者居多實在教匪未必若是之衆總緣起事之初地方官辦理不善激成事端蓋科邪匪之罪自有本律原與叛逆殊條倡立邪教名目傳徒惑眾為首之犯律應斬決外其為從者祇遞減流徒至于燒香念佛持齋誦經皆係愚民無知並非身犯叛逆罪應凌遲子孫緣坐者可比乃州縣等因奉文緝拏邪教逆眾公差四出暮夜捉入幾與查辦叛逆無異以致人心驚或逼迫變生意外至邪教正犯賄囑差役縱令潛逃將村庄富戶竄名其中妄拏拷掠藉端索詐銀錢輾轉

牽連州縣竟視拏邪教為利藪矣臺灣林爽文達州王三槐之滋事未必不由于此是其初不過治以邪教匪罪名可結之案而其繼竟成為叛逆勞師糜餉日久未克歲功將來賊平之後恐此等念佛燒香之事尚不能免如果有邪教之名日自應嚴行查辦但當按照本律治以應得之罪不可指為川楚餘匪視同叛逆即現在從賊中投出難民甚多皆遣還原籍安置或有生事之徒以其曾經從賊挾嫌告訐州縣等務當秉公聽斷亦不得以川楚邪黨妄行處治如此分別辦理方足以安



反側而靖人心則亮等當飭各地方官一體凜遵辦理  
又勸保初三日奏到摺內稱賊匪驟聞兵至即將器械  
食物拋棄奔逃又稱我兵搶獲鎗炮刀矛旗幟牛馬衣  
物無算等語賊匪見官兵追趕緊急故將物件拋棄以  
餌我師乘隙遠遁明係賊匪詭計而官兵墜其術中以  
致不能趕及此後進勦賊匪總當緊躡賊踪奮力勦殺  
爲要即有賊匪遺棄物什毋許官兵當時爭取若果能  
直前殲滅則賊遺棄之物終爲我有何必急于奪得轉  
縱賊匪遠去即將遇軍報之便各諭令知之欽此

城口廳志

卷十二

武功

二十八

嘉慶五年九月十五日奉

上諭德楞泰勒保奏官兵連日打仗殺賊辦完度向瑤一  
股匪衆並鎗斃首逆唐大信現在分兵兜勦一指此次  
德楞泰馳赴龍鳳垭後探知賊匪由古樹寨折竄絲羅  
壩我兵即跟踪緊勦殲斃渡河賊匪二百餘名賊由山  
腰傍竄適值勒保帶兵前來迎面截住而賽冲阿之馬  
隊亦即衝出賊匪無路可走均各滾巖跳水當經擒獲  
黃俞等十三名餘俱被急流衝去並無一名漏網其首  
逆度向瑤屍身雖未勝獲而訊之黃俞等僉稱度向瑤



同路奔來實見其跌巖落水是廣向瑤之死已屬可信  
至唐大信一股在太平千江河一帶游奕經寨首龐閻  
然帶領團勇乘夜掩殺斃賊一百餘名首逆唐大信胸  
中鎗傷殞命此實

今垂佑之恩覽奏實深欽感此次打仗官兵甚為出力俟  
川省賊匪勦竣時再加恩賞寨首龐閻然能于黑夜率  
同團勇將游奕之賊乘勢掩殺並鎗斃賊首唐大信實  
屬奮勇可嘉該叅贊等已賞給軍功八品頂戴著再加

恩賞給把總並賞戴蓋翎如伊情願出仕即令隨營効  
用不願隨營即賞給把總銜以翎頂榮身令其回歸本  
寨駐守其陣亡之團勇龐習元等十八名俱著咨部照  
例賜恤現在德楞泰勦辦完竣者祇度向瑤唐大信二  
股其餘川境之賊如劉朝選湯恩蛟張金連趙麻花王  
士虎再添土羅半年張子聰杜應杰等股數雖多但統  
訓賊數不過五六千人勢已潰散現在湯劉等逆已竄  
過後河而開縣界內七十五一路官兵因雨大阻水尚  
未與賊接仗德楞泰勒保應飭令該提督赴開縣一帶



迎截以遏賊匪東竄之路德楞泰等務須併力上緊會  
勦即于川境辦淨不可又令竄入楚境爲要至川省各  
路兵勇現據德楞泰等查奏不下二萬餘名爲數不止  
三倍于賊所剝餉銀尚有八十餘萬又有新撥豫粵二  
省餉銀四十五萬以如許之兵力如許之餉銀勦數千  
敗竄之餘匪自無難即日辦竣德楞泰勒保務當乘兵  
威勝勢將川省腹地及邊界之賊痛加殲戮不留餘孽  
大功早竣一日則伊等之功亦大自邀重賞倘稍有稽  
遲其功既小賞亦較輕若任意延緩勞師糜餉口久不

能辦竣則德楞泰勒保之罪亦深身家性命亦難自保  
伊等當知自擇勉之慎之至川省賊匪雖漸次肅清所  
有竄赴湖北徐萬富一股賊匪係由川省巫山竄往而  
在西鄉之高二馬五戴家營等股賊匪亦由川境龍安  
輾轉奔逃擾及陝境現又有徐添德餘黨竄至陝省白  
河洵陽一帶比股亦係川賊皆德楞泰未竟之責况德  
楞泰係屬參贊陝甘湖北之賊皆應協同勦辦俟川省  
腹地賊匪勦淨後勒保七十五仍在本省防守邊隘德  
楞泰或應赴楚或應赴陝惟相度賊勢情形斟酌緩急



帶兵前往勦辦朕亦不爲遙制也又據奏賽冲阿暫緩  
赴陝一摺賽冲阿在川帶領吉林勁旅深得軍心自未  
便遽令離川更易生手至此長齡所帶吉林黑龍江  
官兵一千五百名因楚省勦賊喫緊已先撥四百五十  
名交倭什布帶赴房縣嗣因徐萬富一股賊匪在楚猖  
獗復諭令長齡將此一千五百名勁兵帶赴楚省幫同  
勦賊是此項兵丁却經畧額勒登保處亦不能酌量撥  
給又爲分派川省此時賽冲阿既已留川惟當責令管  
帶原有吉林兵丁奮力勦賊如川省賊匪勦淨後賽冲

城口廳志

卷十二

武功

三十一

阿究係固原提督彼時德楞額等再當酌度情形令其  
帶領原兵赴陝勦賊可也至所奏出示曉諭賊黨俾各  
聞風解散一節此等冥頑賊匪總在軍威大振示以必  
克俾其聞風震懾其降乃固若惟事勸諭轉生賊匪輕  
視之心中其緩兵之計此時總當痛加勦殺庶賊匪畏  
罪投誠即可以勦爲撫轉不必頻頻出示徧諭也又據  
以摺奏總兵德英額前在兩河口扎營被賊冲卡該鎮  
禦賊受傷請免查叅一節所辨姑息錯悞前此德英額  
與阿迪斯同在巫山大寧等處藉以堵爲名惟知一味



株守並不能將川東各股賊匪奮力勦辦其畏葸無能  
早已經朕看出此次黃號徐萬富等股賊匪冲出兩河  
口由八石坪竄往楚省即係該鎮所管營卡雖據稱德  
英額聞信時馳赴水口王家河一帶堵截身受兩傷然  
詳閱摺內所叙德英額在水口迎擊賊匪時左肩猝中  
鏢傷尚能催兵行動是受傷本不甚重其得受鎗子之  
處亦僅掃過額角乃該鎮旋即退回山梁以致賊匪即  
向大盜奔竄冲破營卡徑趨楚省李紹祖帶兵追勦時  
該鎮既經稟明抽撥兵勇一同前往自應奮力勦辦將

城口廳志

卷十二

武功

三十二

賊匪截回猶可稍贖前罪乃追至歸州又以距本管營  
卡太遠祇將兵勇交李紹祖帶往該鎮即行轉回尤爲  
畏難巧卸當賊匪冲越營卡時該鎮所轄備弁被害多  
名而該鎮僅以身受微傷藉詞退轉現據倭什布等奏  
到李紹祖因追此股賊匪又在楚省陣亡而德英額轉  
置身事外其縱賊貽害之罪不可不嚴辦示懲著德楞  
泰等即傳旨將德英額革職拏至軍營會同嚴訊並將  
該鎮所受傷痕親自驗實如受傷本輕即將德英額種  
種玩悞之罪一併定擬毋涉輕縱即或受傷較重亦應



據實奏明仍按...擬...諭旨再安義鎮總兵員缺  
已降旨將託榮泰補授昨復出有李紹祖之廣東高廉  
鎮總兵一缺德楞泰等既稱副將張志林打仗勇往辦  
理堵禦事宜亦臻妥協卽著加恩將張志林補授高廉  
鎮總兵將此由六百里諭令知之欽此

嘉慶五年十月十五日奉

諭賊隊中投出及逃散之人必須實力安撫不可爲饑  
寒所迫又去而從賊或聚于山谷之中爲摸樁等事嚴  
禁胥役人等藉端訛詐違派明幹道府大員隨時設法

城口廳志

卷十二

武功

三十三

安頓俾其衣食有資各安生業並飭將潛行逃匿之著  
名首逆搜查必獲不使兇惡漏網日久又滋事端欽此

嘉慶五年十月十五日奉

上諭德楞泰等奏生擒首逆張子聰審明嚴辦一摺覽奏  
叩感

天恩不盡張子聰爲著名首惡竄擾日久今因與賊目李德  
先不和欲尋唐大信合夥緣聞唐大信已被圍勇殺死  
所帶三百餘人陸續逃散其欲奔投之湯思蛟等又被  
官兵擊敗該逆卽向山洞潛藏現被盤獲指認屬實德



楞泰等將張子聰對衆臈割所辨甚是看來事機已靡而朕所尤欣慰者更在德楞泰等帶兵前赴川東勦辦一節昨因明亮等奏楚省藍黃白線四號賊匪竄入川省大寧其川東夔巫一帶雖經德楞泰派有副將褚大榮在彼防堵尚恐兵力較單不能攔截正深慮念因德楞泰等正在川北勦賊相距較遠未經降首及已令額勒登保揀派大員酌帶兵力並將長齡所帶吉林黑龍江勁旅接管速赴大寧協勦終恐緩不濟急正在躊躇今德楞泰等接據稟報知李炳陳朝觀並陝省竄來張

齊辛等逆股匪均由南江先後折竄高家營內顏楊二姓之賊由西鄉竄入太平又龍紹周一股亦與唐冉餘逆由紫陽折回太平游奕並有大夥賊衆由楚省房縣竄至巫山德楞泰等酌量情形以川東邊界爲重即改道由東鄉太平一路進發兼顧川東不令延蔓是川東一帶賊匪已經德楞泰等籌勦所見甚是深爲可喜著賞給德楞泰貂皮馬褂一件賞給勒保烏雲豹馬褂一件以示優獎此次將張子聰掎獲寨長捐納訓導陳希武團勇彭朝祿于該逆扮作難民求乞潛竄時能留心



盤獲仰首逆早正刑誅尚屬能事陳希武著加恩以六  
品州同等官陞補團勇彭朝祿著加恩賞給千總如伊  
等情願出仕即准其補官効用若不願當差即賞給  
戴榮身用示鼓勵至德楞泰等現已帶兵前赴川東而  
額勒登保所派官兵自亦接續到彼所有該處四股竄  
匪正可兩面夾擊乘勢截勦德楞泰等務須倍加奮勉  
即在川東地方迅速勦淨斷不可復逼入楚地一經  
獲渠魁即行加緊馳奏必當加之重賞佇盼捷音踵至  
張子聰手下逃散餘匪若不並為安集輟轉潛匿恐致  
城口廳志

卷十二

武功

二十五

餘孽復萌已另降諭旨令勒保督率地方官實力訪察  
妥為安頓矣所有請撥餉銀已撥銀六十萬兩解赴川  
省勒保務當樽節支用不得稍有糜費又另指審擬戴  
如煌一案亦照所奏辦理將此由六百里諭令知之欽  
此

嘉慶五年十一月十六日奉

上諭現在各股竄匪正值窮蹙之際亟應勦撫兼施俾以  
終恬惡者搜捕無遺而悔罪投誠者各安生業方足以  
散賊黨而輯民心速圖歲事惟近來川陝各路軍營



報內所探被脅難民及從賊隊中散出者不過酌給米路粟了事並未見實心撫輯使之各遂其生此等出窮民所得銀米無多數日後口糧不繼饑餒難堪必仍思去而從賊甚以軍營中竟有拏獲賊匪搜出路票者伊等節次奏報給予銀米路票之人不計其數而賊勢總未見渙散其故實由于此朕屢經降旨令各督撫等派賢員認真安撫並清查叛產酌給難民勿令稍有失所反覆申諭至再三而該督撫從未將如何酌定章程實力妥辦之處詳悉覆奏各該督撫等多係由京員

簡放外任試思京中各部院六官有奉旨特交事件斷無日久不辦之理若稍逾期限必干處分何況此等關係軍務重大之事耶且教匪俱係內地亂民非比征討不庭祇須徵兵撥餉即可完事當其抗拒官兵因殺之無赦而一經散出盡屬良民必當隨時隨地設法撫綏即屬目前應辦善後之事若待大功一律告竣始行經理則節次投出之民豈能久忍饑寒靜以相待非轉于溝壑即故智復萌似此因循玩愒何日始能戡事現在勦辦緊急正賊匪解散之時如果安撫得宜一民即



以一賊何患不尅日奏功而該督撫竟視爲緩圖並不  
遵照節節諭旨悉心籌議看來屢次所奏酌予銀米之  
處恐未必盡行給發或預爲將來開銷地步其實招撫  
之事並未認真辦理若云接奉諭旨後其中別有難辦  
緣由亦應據實陳明設法妥議斷無將投出難民置之  
不顧聽其流離四散無所歸著之理勒保長齡陸有仁  
身任川陝督撫是其專責伊等接奉此旨後務將現在  
作何撫輯應專派委賢幹之員如王文湧楊護元福方  
積劉清等責令妥爲經理俾難民等止計有資不儘爲  
城口廳志

卷十二

武功

三十七

目前苟且之計各據現在辦理情形據實具奏勿但以  
空言搪塞致干咎戾欽此

嘉慶五年十二月十九日奉

諭德楞泰等奏三路官兵追勦各股竄匪情形一摺覽  
奏俱悉李炳等敗殘餘匪由閬中巴州地方奔竄德楞  
泰勒保七十五帶領官兵分股追勦三路殲擒賊匪五  
百餘名而辛聰賊股已由陝竄入廣元李炳等敗殘餘  
匪趕上與之合夥又張士龍阮正朝陳朝觀等亦在該  
處之林內聚匪德楞泰等因開縣雲陽一帶復有



竄入官兵共俱在川之西北勦辦川東未免空虛會同  
籌計德楞泰帶兵入山搜勦勒保即折赴川東探踪進  
擊並知會七十五由五郎廟一帶進兵迎截等語所辦  
俱好前因川境賊氛已遠漢江以南各股竄匪勢較鴟  
張是以諭令德楞泰帶兵赴陝察看何處緊要即赴何  
處勦辦今陝省賊股又分路折竄川境與前此情形不  
同現在勒保已分兵前赴川東進擊若德楞泰即行赴  
陝則川北祇有七十五一人恐難得力此時德楞泰又  
應仍在川省督率勦辦不必即赴陝境德楞泰現擬由

東而北令七十五山西而北務將各賊匪逼令南入川  
境所見甚異且李炳等餘匪疊經勦殺日夜狂奔狼狽  
已極德楞泰正宜趨此勦除淨盡並將山內潛匿之卒  
張等逆設法轟出一併殄除不必急於赴陝致有餘匪  
乘機裹脅又成大股應俟川省各股竄匪將次勦淨可  
交七十五接辦再赴隣省協勦至竄入雲開賊股大約  
即係高家營之賊自因楚省追勦緊急是以復思闌入  
川境其徐添德一股恐不接續竄川勒保現在川東務  
須趕緊勦辦與德楞泰同心併力將各股竄匪即在川



東川北境內痛加殄戮於朕釋服以前一律辨竣即伊  
二人之功朕必加之懋賞不可僅以驅逼出境即為完  
事所有此次殺賊陣亡之守備張君泰把總張恩錫額  
外副前鋒校倭仁額藍翎長阿林太俱著咨部賜恤將  
此由六百里諭令知之外賞給德楞泰墨刻御製邪教  
說一分一併發往欽此

嘉慶五年十二月二十四日奉

上諭川陝各路軍營勦辦教匪已閱五年之久尚未歲功  
朕心實深焦慮在經畧額勒登保參贊德楞泰及帶兵  
城口廳志

卷十二

武功

十九

大員如慶成明亮等皆受

皇考厚恩朕復委以軍務重任伊等往來勦捕實亦不遺餘  
力此等敗竄匪徒早應殄滅而仍前東竄西奔漫無攔  
截者總緣地方官不能實力堵禦所致節經降旨飭諭  
該督撫嚴飭各府州縣認真圍勇防守不啻至再至三  
乃近日各股賊匪又復四散竄擾可見伊等總未能盡  
力奉行在帶兵大員隨賊所在奮力兜勦鞠躬盡瘁以  
屬分所當然究于勦賊大局何益且官兵往來追擊而  
精銳皆成疲乏現當勦賊萬緊之終豈可仍任地方官



世泄沓沓不亟思設法籌辦手向來賊匪經過之處州縣往往以保護城池爲名閉門自守而鎮市村庄任賊焚燬以致賊匪恣意搶掠裹脅日多雖經帶兵大員節次痛殲餘賊無幾不數日各處裹脅又成大股與未經勦殺無異此時惟有責成該督撫令各府州縣認真團勇保護村庄使賊無從搶掠方爲上策如地方文武果能認真防守於賊匪竄近之時親率兵勇出城奮力堵截不使滋擾村庄俾居民得以安堵無虞即將該地方官據實保奏朕必優加獎擢倘一聞賊至心存畏怯閉

城口廳志

卷十二

武功

四十

城自守致賊匪將城外村庄肆行焚劫必當查出指名嚴叅治罪但團勇禦賊必須強幹有爲素得民心之員始能得力著各督撫將賊匪往來滋擾地方如川省之廣元蒼溪儀隴營山達州新寧開縣萬縣雲陽太平大寧東鄉巴州通江南江陝西鳳縣留壩褒城沔縣寧羗南鄭城固洋縣西鄉石泉紫陽漢陰洵陽安康平利白河五卽鎮安山場商州孝義盤屋湖北鄖西鄖縣竹谿竹山歸州興山東湖遠安保康房縣均州穀城現在各州縣詳加察核其有實能勝任者卽責令團練守禦若



不能勝任者即行撤回另選幹員奏請加不加  
當奏請揀發再于道府大員內如楊護元福方  
親往分管各州縣團勇事宜以專責成督撫大吏  
合力同心大加振作以期迅速集事並著出示曉諭  
陝楚百姓以教匪滋事以來蹂躪地方擄掠男婦殘  
迫脅無所不至朝廷憐憫爾等慘遭荼毒徵兵撥餉  
今五年爾等各具身家豈有不思自衛任賊殘破之  
倘經賊匪闖入爾等廬舍室家皆不能自保且被賊  
裹脅後一遇官兵追勦賊匪即令爾等在前阻拒必

玉石不分身羅鋒鏑何如悉力團勇賊至則奮力堵  
賊去則仍安生業耶如近日川省寨首陳朝會鎗傷  
逆鮮大川賞給七品頂戴藍翎團勇彭朝祿盤獲賊首  
張子聰賞給六品頂戴爾等若能似此殲擒首逆即  
保奏格外加恩給予官職翎頂即不能殲擒賊首而  
力捍衛俾賊匪無從搶掠亦必優加賞賚既可受朝廷  
獎勵之恩又得免鄉團殘燬之患豈不公私兩得乎加  
此愷切曉諭庶可收衆志成城之效書麟甫經到楚  
資振頌在勒保長齡陸有仁倭什布等皆簡任封圻務



遵節降諭旨認真妥辦仍各將如何籌辦之處先行具奏尚仍前怠玩並不實力奉行或僅以空言覆奏塞責再稽歲月必將伊等從重治罪噬臍何及將此由六百里諭令知之欽此

嘉慶六年正月二十三日奉

上諭勅保奏殲斃首逆張士龍並擊退樊徐等逆未令竄渡嘉陵江一摺覽奏欣慰此次張士龍等逆在通江境內分股滋擾經七十五與頭等侍衛武隆阿分帶將弁在三壘山後河嶺及缺溪河等處連日勦殺殲賊八百餘名擒獲五百餘名搶獲騾馬器械無數並將首逆張士龍臨陣殲斃生擒掌櫃趙建功偽總兵李大維等餘名機極為順利七十五武隆阿均著交部議叙所有在案出力員弁並著勅保查明咨部議叙至樊人傑徐德等王國賢等在廣元境內分股肆竄並至河東姚家灘地方欲渡嘉陵江經該鎮道等奮力擊退得保無虞勦現因藍號冉添泗王士虎等股又已竄至蒼溪等處一面飛飭防江文武各員弁實力堵禦一面星夜前赴

城口廳志

卷十二

武功

四十二

宜以期顧住嘉陵江分投勦辦所辦皆是約計勦保



時業已前抵保安江防自己嚴密現在陝境之賊竄入川疆並可聚而殲洗昨德榜奏等奏到在陝省以陽地方將高二一股大加勦殺得有勝仗已諭令德初泰一俟勦淨此股即速赴川省督勦本日又據經畧額勒登保奏將高馬等逆由鎮安至五卽洋縣一帶痛加勦殺若乘此兵威勝勢將陝省各股賊匪以次殲淨則額勒登保亦必前赴川省諒此方竄之賊自不難一鼓殄滅但勒保不可專待伊二人來川會勦務須就現有兵力上緊勦辦如能先行殄竣即勒保等之大功尤應

城口廳志

卷十二

武功

四十三

顧住嘉陵江不可使一名竄渡然大兵合勦易於得手且免賊勢散漫勒保惟當與七十五督率防江各鎮道小心防範慎之又慎此為最要又據奏陳朝觀辛聰等逆竄入太平境內官兵小有失利已知會七十五將通江境內之賊辦畢後即追勦陳辛等逆或先轉回將樊人傑等夾擊肅清川北再赴川東等語惟在勒保與七十五酌量機宜妥為辦理朕亦不為遙制總之防守嘉陵江最為目前急務所有殺賊陣亡之都司耿貴和把總康調元外委高欽選童鈞發著咨部議卹其受傷之



叅將李廷臣守備崔洪元千總王世昌曾否痊愈並著  
遇便覆奏欽此

嘉慶六年三月初二日奉

上諭勒保奏連日痛勦川東賊匪獲有勝仗未令竄出楚  
省各情形一摺此次勒保督飭薛大烈七十五兩路官  
兵分投截勦劉湯陳魏等逆共計殺賊一千餘人逃出  
難民一千一百餘人殲擒偽總兵旂首賊日多名不令  
賊匪陳朝觀魏棒棒等竄近湖北所辦俱好侍衛武隆  
阿都司羅思舉帶兵首先衝入賊隊斃賊數十名賊即

城口廳志

卷十二

武功

四十四

敗走隨盡力追壓多有斬獲甚為出力可嘉武隆阿羅  
思舉著以應升之缺升用川東陳魏等股賊匪原有四  
千餘人經官兵截殺所剩不過二千餘人勢已窮蹙七  
十五由太平一路追勦勒保與薛大烈由東達一路追  
截兩面夾擊官兵聲勢甚壯勒保務須將此二股賊匪  
悉數辦竣肅清川東不可因高二馬五竄至廣元邊界  
又復馳回川北况高二馬五賊匪本屬無多現據額勒  
登保奏王廷詔已經生擒該犯係起事首逆向在高二  
馬五股內今失所恃自必聞風膽落且楊遇春業已帶



兵緊躡入川無須勒保分心兼顧所有川東陳魏等股賊匪責成勒保一手辦竣至樊冉等逆雖已零星不成股數但不速行勒滅任其東奔西竄轉掠日久勢必復成大股數年以來軍營皆坐此弊勒保務當飭催託雲秦等上緊搜捕淨盡勿留遺孽爲要再訊據獲賊供稱陳朝觀有從定遠一路要過嘉陵江之語賊匪總因川西繁庶刻思竄往尤應飭令許文謨張志林等加意嚴防毋得稍有疎懈再本日據書麟奏苟李二逆在歸巴等處奔竄欲逃回四川等語楚省賊衆兵單恐書麟等

未能攔截湖北歸巴與川省巫山大壩接壤勒保現在川東當隨時偵探倘一經竄近務須奮力迎勦此時川東陳魏賊股勒保既截其東竄楚境之路其楚省竄川之賊亦當一律勦除不可稍存此疆彼界之見又另摺請撥餉銀二百萬兩一節川省餉銀朕不待伊奏請節次發往源源接濟現據該督摺內所奏每月祇需銀二十五六萬兩何遽請發銀二百萬兩之多此時內庫帑項情形勒保豈不知之若不將賊匪上緊勦淨惟事往來奔逐顧此失彼即如數發給銀二百萬于事亦屬無



濟况所發餉銀專為軍需而設勒保將採買穀價亦  
于此內牽算動用尤為不知緩急茲又將廣東解京銀  
三十萬兩福建解京銀十五萬兩諭令吉慶汪志伊等  
飛飭解員迅速解赴川省該處軍需又增此四十五萬  
兩極為充裕已足敷數月之用豈此數月內勒保尚不  
能將此等殘敗賊匪悉數殄平耶該督務當嚴飭局員  
樽節支用不可因帑項較多致滋糜費欽此

嘉慶六年十二月初九日奉

上諭勒保奏痛勦湯劉股匪兜截回川一摺此次湯劉等

城口廳志

卷十二

武功

四十六

逆由太平之舊縣壩竄至八臺山屯聚經勒保督同薛  
大烈等趕緊追勦先後共殲擒四百餘名該匪被勦緊  
急向陝省西鄉之漁渡壩一帶奔竄時勒保當將滿漢  
將弁交薛大烈帶領緊追復將該匪兜截回川不使深  
入陝境所辦尚是薛大烈鼓勵兵勇晝夜追勦不辭勞  
瘁其功甚屬可嘉著交部議叙示獎欽此

嘉慶七年九月十六日奉

上諭勒保奏官兵分勦楚境竄來賊匪各情形一摺覽奏  
俱悉此時川省本境餘匪已屬無幾惟楚省各賊匪經



德楞泰追勦緊急該匪等畏懼兵威紛紛向川省奔竄此亦勢所必然現在竄至雲陽一股已經桂涵等全數辦完其竄至大寧太平交界一股人數亦少勦保已飛飭桂涵前往探聽迎擊自可迅速辦淨惟竄至川省之藍白號一股有三四百人又會合另起一一百人賊數稍多尤當加緊趕辦勦保應即速派妥幹人員帶兵前往現在豐紳一路官兵即日可以到夔又達勒精阿武隆阿二員亦已自楚回川伊二人帶兵打仗俱屬奮勇此時大寧防守事宜亦無須伊二人一同在彼著勦保

酌量情形或令豐紳移兵前往或於達勒精阿武隆阿二人內酌派一員責令上緊協同勦捕務將此股賊匪剋期辦淨為要其川北一路現有陝省餘匪不過二百餘人有田朝貴在彼足數堵勦此時總以川東為重川東各股竄匪雖由楚省官兵勦急奔竄然川省邊界豈無防堵之責何以任令闌入該省地方官豈能辭咎今竄已竄入勦保惟應督飭所派將領即在川境勦盡不  
可以驅逐出境即為了事如果在川境勦捕完畢辦理  
速尚

可將功抵罪若勦洗未淨仍送回楚則無功而



有罪矣又摺內所稱刊發簡明告示諭令賊匪自投一節此時賊匪窮蹙之際其著名首逆已殲除殆盡所有皆屬餘黨目前勦撫兼施自更易於歲事但仍當以勦爲正辦方可期淨絕根株也再現在各處官兵均以次撤歸原伍著勒保查明川省應撤兵內如有廣東官兵其道里較遠應即先行撤回俾早得歸伍休息將此由五百里諭令知之欽此

嘉慶七年十月十一日奉

上諭據勒保奏官兵在川北邊界分路勦除竄匿及兜截

城口廳志

卷十二

武功

四十八

藍白二號賊匪沿途均有斬獲一摺覽奏俱悉此次大  
宜邊界由楚竄入各股餘匪計有一千五六百人又由  
西鄉竄入太平零匪二三百人疊經官兵殲勦仍復分  
合無常看此情形現在川省竄匪較前又復增多勦辦  
甚關緊要勒保以巫山大宜一帶現有豐紳張績西路  
官兵分投防堵可以無慮惟梁萬地方有黃號線字  
二股在彼奔竄爲數稍多恐違勒精阿等兵力尚單  
調叅將桂涵帶兵幫同協勦該督亦即自夔馳往  
督勦所辦甚是川境勦辦零匪是勒保專責



殘敗之時尤當上緊搜捕務于十月內一律掃除不得遲至天氣嚴寒又以冰雪凝滑藉詞延緩如果境內實已廓清鄰省亦斷無竄至之匪勒保即遵照昨旨用紅裏黃面奏摺馳遞捷音不必三省會商方行奏報目下功屆垂成惟應以勤爲正辦如賊夥中實有誠心投出者尚可貸其一死但不可徒事招撫轉致遷延時日總之黃面喜摺不必有心欲速致多草率而辦賊則必當上緊愈速愈妙此後每於打仗得有斬獲務須將該省所剩賊匪尚有若干於每次摺內報明總數毋稍含糊

至覆奏查勘雲陽大寧二縣被水甚輕並無應賑應蠲事宜等語該二縣既勘不成災自可無庸查辦其順慶府屬之南充重慶府屬之合州被水較重該督即飭屬詳悉查明如有應行蠲賑之處據實奏聞候降恩旨不可稍有諱飾所有勦賊被水淹斃之犯總陳在朝著照陣亡例賜卹將此由五百里諭令知之欽此

嘉慶七年十月二十四日奉到

上諭勒保奏官兵追勦餘匪生擒首逆張簡竝在川陝邊界殲除竄匪情形一摺覽奏俱悉張簡隨同張子聰起



事增充賊中偽元帥肆惡日久輾轉奔逃此次經勒保督飭羅思舉陳弼等帶兵分躡復經知府趙秉淵督率團勇守隘圍捕將該逆鎗傷落馬趕上擒獲餘賊悉就戮擒其田朝貴一路官兵亦節次均有斬獲所獲俱好惟閱摺內王國賢餘匪一起由湖北竄至陝西經穆克登布等截擊竄入川境尚有三百餘人勒保現飭田朝貴移兵太平探明趕勦又有楚境線字號黃號餘匪前由大寧邊界竄至梁萬等處復折向東鄉一路奔逃現有達勒精阿武隆阿等緊躡追勦勒保亦已親赴東鄉

城口廳志

卷十二

武功

五十

策應等語此二起竄匪由陝楚竄入川境皆由該處官弁防堵不力本有應得之咎今已從寬不加深究勒保當嚴飭田朝貴達勒精阿武隆阿等上緊勦辦現在時屆冬令轉瞬沍寒務須儘此十月內將線字號黃號及王國賢餘匪即在川省奮力勦淨不得又任折回楚陝若能就地殲除仍當將該鎮將等加以恩賞此兩股零匪如果辦淨並探明陝楚斷無竄川之賊彼時勒保即可馳遞黃摺捷音其湯思蛟一犯據張簡供稱業經剿辦改名可見勢極窮蹙果能就獲固屬甚善如實錄



身逃竄亦不必因此稽延大局總之一經奏報勘定川境必須實在肅清更無零星匪潛出方爲妥善當此屆垂成之際勸保當勉之又勉剋日藏績行膺懋賞至知府趙秉淵久辦軍務此次復率鄉勇堵擊俾首逆張簡得以臨陣就擒甚屬可嘉趙秉淵著加恩賞給道銜遊擊陳弼督兵圍捕亦屬出力著加恩賞給參將銜以示獎勵其鎗傷張簡左膀之團勇並著勸保查明姓名如該團勇尚無頂戴即賞給頂戴如已有頂戴即賞戴藍翎再川東川北一帶山內刻下自無武股之賊在彼

城山廳志

卷十二

武功

五十一

潛藏但零星散匪保無有十數爲羣遁匿其中者若不淨絕根株仍恐其復行糾聚勸保於奏報歲事後當分派得力鎮將帶領官兵將川東川北各山內以次排搜務須遍行踴捕實在掃除絕跡方可先撤鄉勇次撤官兵爲一勞永逸之計彼時再會同經畧參贊及楚陝督撫詳議章程每年三省派出提鎮大員下川楚陝交界老山大林內定期會哨一二次奏明遵照辦理將此由五百里諭令知之欽此

嘉慶七年十月二十七日奉



上諭勅保奏官兵殲除白號匪匪生擒首逆湯思蛟並在東鄉勦辦新竄入川之黃藍線字號合夥零匪一摺湯思蛟一犯與王三槐冷添祿徐添德等同時在川滋事後又與劉朝選狼狽為奸在川陝楚往來竄擾日久稽誅最為狡猾可惡今該逆帶領五六十人在麻壩寨一帶逃竄經勅保飛飭達斯呼爾岱羅聲臯等帶兵追勦將白號餘匪悉數掃除並將湯思蛟擒獲臠割梟示實足以快人心而伸國憲此次勅保調度得宜將積年渠惡擒獲本屬有功但閱摺內稱中河一帶新竄入川之

城口廳志

卷十二

武功

五十二

賊黃藍線字等號共有千餘人太平等處又有黃姓及不知名零匪共有六七百人雖皆自楚境竄入但川省邊界未能嚴防致令賊匪闖入且又攻破民寨裹脅數百人勅保豈能辭咎此次擒湯逆之功其功過僅足相抵俟川境全數肅清再加優賞達斯呼爾岱羅聲臯出力可嘉著交部議叙驍騎校巴圖蒙古見賊匪滾巖逃竄即棄馬跳巖與賊格鬪致連被三傷殊為奮勇巴圖蒙古著即以應陞之缺陞用巡兵杜鎮海張觀國于湯思蛟在芝包口場草店內住宿時見其形跡可疑即向



本卡外委買玉壽告知買玉壽即至店將該犯盤獲均屬留心除已分賞銀兩外杜鎮海張觀國著拔補外委買玉壽著拔補把總以示獎勵現在黃號線字等號零匪勒保派達斯呼爾岱羅聲皋與達額精阿武隆阿等兩面夾擊其太平開縣等處賊匪勒保因田朝貴一路兵單又添派羅思舉等前往協勦各股零匪雖由楚境竄至但既入川境即係勒保分內應辦之賊勒保務當嚴飭鎮將等上緊搜勦于十月內將川東川北各匪就地芟除一律辦竣不可僅以馳逐出境便爲了事至德

楞泰本在四川辦賊移師赴楚今各股竄匪前由川省竄入湖北茲又從湖北竄回川境德楞泰亦不能無過此時楚省賊匪僅有崔胡戴四股匪百餘人及陳姓股匪數百人無難剋日殲除德楞泰如將此二股賊匪辦竣即與額勒登保互商酌分一人赴川幫同勒保勦辦德楞泰在川有年于該省情形較熟且係本省將軍或酌令賽冲阿孫清元等留楚防禦及搜拏零匪德楞泰即移師入川會勒但勒保不得因有此旨專候德楞泰來川因人成事總須就現有兵力遇賊即勦速圖蕩事



額勒登保德楞泰勒保務遵照節降諭旨于本月內  
三省零匪悉數蕩平共膺懋賞若稍有遲延天氣嚴寒  
冰雪凝滑且恐賊匪乘間褻脅又復增多辨理需時則  
伊等前功盡棄恐不能當此重戾也凜之勉之再提督  
豐紳原在巫山大寧等處帶兵何以連次摺內未經提  
及此時賊匪由楚入川是否由該提督防堵地界竄入  
伊曾否帶兵攔截亦著查明具奏所有在沙葛廟勦賊  
陣亡之外委朱朝富著咨部賜卹將此由五百里諭令  
知之欽此

城口廳志

卷十二

武功

五十四

嘉慶七年十一月二十日奉

上諭德楞泰奏各路勦捕零匪並分兵兩進協勦各匪情形  
一摺此次豐紳富僧德等搜勦各股零匪均有斬獲內  
惟玉國醫餘黨據摺內稱共有三百餘人經豐紳派令  
將領兩路進勦殺斃二十三人生擒七名餘匪俱遁入  
太平山內此股賊匪必須上緊辨盡不可任其潛匿該  
三省遞到紅裏黃面喜摺大功告成而太平山內尚有  
未淨餘孽將來又出滋事成何事體現在崔胡餘匪業  
已勦散祇剩二十餘人其崔宗和胡明元二犯均隻身



逃竄今已降旨諭吳熊光另派委員密往武當山一帶查拏或即在彼擒獲此外亦更無成股賊匪其川境各匪據稱唐明萬等餘匪現剩二百餘人並開縣一帶有不知姓名兩起賊匪共五百餘人至黃藍線字等號賊匪昨據額勒登保勒保奏疊次勦殺只剩四百餘人是統計川省各股賊匪不過一千餘人德楞泰現在督兵于老林沿邊一帶取道雲陽由東向西進發務將經過川東地方所有零星散竄之賊逐一搜捕淨盡然後趕赴川北與額勒登保勒保等會合搜勦奏歲大功總於城口廳志

卷十二

武功

五十五

迅速之中力求妥善毋得草率了事為要至摸樁二字係賊匪乘夜偷掠名目豈可以此加之官軍前已屢經降旨訓諭此摺內又疊見四五處俱有硃筆更正此後繕摺改寫埋伏二字方為妥協將此由五百里諭令知之欽此

嘉慶七年十一月二十一日奉

上諭勒保奏生擒首逆唐明萬及偽總兵唐登明偽先鋒李相富趙泳清等並將餘匪痛加勦洗一摺覽奏欣慰此次三回剿辦匪徒三百餘人及不知姓名賊股四



人分起竄入雲開一帶勒保派令羅思舉陳弼等帶兵  
追勦殲擒一百餘人又探知不知姓名一股有首逆唐  
明萬在內羅思舉等連夜進兵分爲兩路奮力兜圍殺  
斃賊匪七八十人生擒一百二十五人當將唐明萬並  
僞總兵等一併擒獲所辦實屬可嘉唐明萬係積久著  
名首逆與龍紹周等連年在川陝楚三省滋擾焚掠稽  
誅已非一日今復臨陣生擒可見此等兇惡首犯爲

大理

所不容勒保調度有方著賞給白玉大吉葫蘆牌一塊  
白玉四喜搬指一個白玉翎管一個黃瓣大荷包一對

城口廳志

卷十二

武功

五十六

小荷包四個遊擊羅思舉陳弼緊躡賊蹤奮勉出力均  
著交部議叙並各賞給白玉四喜搬指一個大荷包一  
對小荷包二個其爭先追趕將唐明萬戳傷落馬擒住  
之鄉勇顏貴夏貴康貴李毓林羅貴著該督查明如未  
經得有頂戴即賞給七品頂戴如已有頂戴即著賞戴  
花藍翎又發去磁鼻烟壺十個磁帶鈎十個分賞此次  
出力員弁又一兩重銀牌二百面五錢重銀牌二百面  
分賞此次出力兵勇以示獎勵川東一帶竄匪前經降  
旨令德楞泰就近帶兵赴彼督勦本日據德楞泰奏已



于十月二十七日督率包爾滾等帶領兵勇由巫山取道大壺自南而北正可督率羅思舉等將勦剩餘匪四百餘人搜除淨盡額勒登保先已由紫陽一路赴太平一帶協勦自應與勒保先行會晤德楞額泰領兵踵至伊等正可三面會合將黃藍線字等號餘匪趕緊就地殲除現在各股零匪祇一千數百人較前更減有此三路大兵合力奮擊自可剋日蕙功斷不可又令其竄出川境闖入楚陝現當賊匪萬分窮蹙之際勒保不妨於這勦之中量為招撫諭以首逆張長青一經投出即予免

死安插爾等如果悔罪來投皆可照張長青之例全爾軀命賊匪聞知諒必有投營乞命者多投出一名即必誅戮一名但總以認真搜勦為正辦不可專主於撫勒保當與額勒登保德楞額泰同心協力迅速勦辦俟川省全境肅清更無成股之賊並接到吳熊光惠齡兩處令匪淨盡知會即可會銜馳奏紅裏黃面之摺但仍須此兵力將各處大山老林內分派得力鎮將逐段排實在更無潛匿零匪方可歲績若此時搜捕未盡俾匪藏匿深山至明歲春融又復逸出奔竄仍須伊等



兵勦辦更不成事刻下距

南郊大祀尚有兩旬勒保惟當督率鎮將上緊追勦于長  
以前奏到勘定捷音同膺懋賞將此由五百里諭令  
之欽此

嘉慶八年正月十六日奉

上諭德楞泰奏督兵向東南趕辦零匪並各路搜捕情形  
一摺覽奏俱悉此次黃藍等號餘匪竄向天池寺一帶  
經德楞泰督兵追上擒斬數十人其各路搜捕零匪亦  
俱有斬獲所奏情形與前日額勒登保勒保奏報大畧

城口廳志

卷十二

武功

五十八

相同惟此時川省境內尚有零星散竄之賊德楞泰係  
成都將軍搜捕是其專責必應上緊辦淨使境內不留  
一賊方為妥善朕于德楞泰素未識面茲大功告成朕  
亦亟思令其來京面加慰勞並早得祇叩

裕陵俾申展謁以該省殘匪一日未盡則德楞泰一日未能  
卸責不可因急圖瞻覲致辨理稍有草率所有各路征  
防兵丁德楞泰應酌量情形俟實在可以無需兵力方  
議裁撤倘為一時惜費起見遽爾撤兵萬一遺灰復燃  
又煩勦捕將已撤之兵再行征調成何事體即務期一



勞永逸兵民相安方爲妥善至由京派往之御前侍從  
乾清門大門侍衛及各營章京並各省鎮將德楞泰當  
先行陸續遣回俾沿途聞知帶兵大員給驛回京共慶  
凱旋且驛站夫馬以次共應更可不致疲乏不必俟餘  
匪悉數掃除方令伊等同時起程也再王國賢一犯親  
赴雲陽投首德楞泰既令解送勒保軍營查辦想勒保  
自當即日奏報該犯王國賢雖非緊要首逆但與張長  
青均係著名賊目今既投出自應免其一死妥爲安置  
並可出示曉諭未降餘匪以張長青王國賢係賊匪頭

目但能悔罪投誠尚不忍即加誅戮予以生全况爾等  
被賊脅從並非稔惡素著者可比何苦執迷不悟自蹈  
誅夷如能棄械來投官兵必不肯假名犖獲藉以邀功  
現在投出之張長青王國賢即其明驗爾等于此兩人  
諒皆熟識有何疑慮如此一面出示曉諭一面即令張  
長青王國賢二人前赴賊中廣爲勸導散其黨與庶匪  
徒相率來投于搜捕更爲有益其賊夥中婦女幼孩想  
俱被逼脅勉強跟從非如從前之齊王氏等有心謀逆  
德楞泰亦當設法招出貸其一死更可多活一命並孤



賊勢但不得因有此旨專主於撫致辦理稍有鬆勁當此全局勘定之後譬如大病初愈更須善用醫藥加意調治方能培復元氣德楞泰總當督率將領趕緊辦竣綏輯地方况據摺內稱現在匪徒多已出山此是極好機會向年每遇冬令賊匪潛匿深山至春氣融和始四出竄擾今零匪一經官兵轟逼即不能在內存駐紛紛竄出正可趁勢勦捕以期淨盡但恐深林密箐尚有一二匪徒在彼潛藏亦應逐處排搜勿留餘孽須在正月內將所有殘匪一律肅清於迅速之中力求完善毋稍城口廳志

卷十二

武功

六十

草率為要欽此

嘉慶八年四月十一日奉

上諭德楞泰奏官兵痛勦宋陳餘匪多有斬獲並親自督兵過楚先行廓清全境各情形一摺覽奏俱悉此次德楞泰分飭將領搜捕宋陳餘匪共殺賊八十六名首級耳記八十六副生擒三十四名並殲戮大學櫃宗癩子偽元帥馮天保生擒偽先鋒段三順統計殲擒賊數共有一百數十人而賊勢總未大減殊不可解閱摺內稱



賊目其所戴翎頂自屬戕害官弁所得但此中或本有翎頂已經擄遣之鄉勇假充賊匪亦未可定不  
不留心查察亟獲賊供有穆克登布係余佐斌同宗癩  
子熊老八動手殺害之語前據德楞泰奏稱戕害穆克  
登布之賊係探馬頭左丙而茲左斌與左丙同音或此  
犯即係余姓今既在逃必應與熊老八一體嚴拏務獲  
所有宗癩子首級應即在該處設立穆克登布牌位先  
行致祭其余左斌熊老八二犯將來如有生擒者訊明  
確供即遵照昨旨解京辨理倘臨陣殲斃亦著將首級

城口廳志

卷十二

武功

六十一

送京以便交穆克登布家屬致祭用慰忠魂現據稱統  
計川東川北各逆約共不過八九百人均有重兵搜勦  
不難集事此外如巫奉大壺及太平城口一帶均已排  
搜無賊等語賊踪飄忽無常往往有地方官稟報無賊  
而逾時又有賊踪出沒德楞泰此時但知大壺等處山  
內已無賊匪而不知出山之賊俱已竄至他處昨據吳  
熊光奏竄楚之賊即有川匪一股由向家壩竄入竹谿  
又有芍朝九股內張姓賊匪三百餘人由大壺之黃墩  
竄入兩扇門衝過陝省營卡竄入楚省著德楞泰查明



是否即係從前大盜打散餘匪如果係川省零星分竄  
前往則楚匪增多川匪自應減少倘川楚現在賊數仍  
復照前則楚省竄匪又屬新添矣德楞泰因接吳熊光  
來信楚省賊數較多酌量緩急如帶兵過楚督飭各路  
趕勦所見甚是該參贊帶兵赴楚後如能將各處餘匪  
就地殲除固屬甚善設或稍有未淨亦當逼截入川以  
便聚而殲洗再覆奏摺內稱自二月二十八九以後至  
三月中旬四十餘日雨水較多山河泛漲等語前曾疊  
降諭旨飭令伊等務于四月內全數廓清倘稍有遲延

城口廳志

卷十二

武功

六十二

勢必又以暑雨汎溢為詞今不待夏令摺內已稱官兵  
追賊汎溢難行設將來雨水盛行而餘匪誘煽勾結又  
或有新起之賊辦理不更形棘手耶德楞泰自定限期  
於四月內一律肅清即當上緊籌辦迅勉奏績毋得再  
有遲緩不答至紅城堡守備姜成龍不能管束鄉勇聽  
其在途逗遛併向稠寨沽買酒肉滋事著即革職作為  
兵丁以示懲儆其鄉勇曾倖羅貴朱貴三人滋事之處  
恐不止沽買酒肉等情但業經德楞泰將該鄉勇等根  
查確說以免深究嗣後務須飭令各路將弁於所



勇嚴行鈐束毋稍姑息將此由五百里諭令知之欽此  
嘉慶八年七月十五日奉

上諭本日由六百里遞到額勒登保德楞額奏勒保會奏官  
兵勦捕餘匪全竣三省地方肅清喜摺覽奏實深欣慰  
邪教匪徒雖不過內地莠民聚眾倡亂然勦辦已閱八  
年之久溯自嘉慶元年命將出師正值朕受璽之始親  
承

訓政荷蒙

皇考睿謨廣運

城口廳志

卷十二

武功

六十三

指示機宜纖悉備至惟因賊黨蔓延日久一時未能迅就掃  
除我

呈考聖壽益高猶復

壽諮不倦每於軍書旁午之時朕躬侍

左右仰見

宵旰焦勞無時或釋殷殷

望捷直速

彌留朕追維

先烈益凜仔肩親收以來辦理軍務一一恪遵



遺訓申明紀律連年將稔惡首逆殲擒淨盡匪黨數萬一律  
殄除上年冬間業已三省耆定馳告歲功祇因大小吏  
林不無餘孽竄匿偷生復諭令經畧叅贊等遴派官兵  
四出窮搜及今又閱八月始能全境肅清本日中元節  
朕恭詣

安佑宮行禮瞻拜

聖祖

世宗

皇考聖憲正在虔籲

城口廳志

卷十二

武功

六十四

恩慈而未刻已據馳報捷書如嚮斯應此皆

昊蒼默佑

祖

考垂庥福以底績告成仰酬

皇考在天未竟之志稍釋朕躬繼序之責從此海寓救宍天

下臣民共享昇平之福皆由

皇考訓誨貽謀朕實不敢存運籌決勝之意惟帶兵大員等  
懋著勤勞允宜再加甄叙經畧額勒登保叅贊德楞泰  
於上年冬間奏報大局戡定時錫爵酬庸曾邀上賞現



雖係勦捕零匪辦理又經八月有餘奮勉窮搜不遺餘力前後誅斬著名遺孽十有餘名此外僞先鋒僞總兵等又殲擒數十名其餘賊夥殲擒招撫者共以千計現在更無遺孽三省地方安謐辦理實爲完善額勒登保著加恩賞給白玉喜字搬指一件白玉大吉牌一件白玉翎管一件鑲玉帶牌一件鑰匙帶一個黃瓣大荷包一對小荷包四對德楞額著賞給白玉喜字搬指一件白玉大吉牌一件白玉翎管一件鑲玉帶牌一件順帶一個黃瓣大荷包一對小荷包四個俱仍交部從優議

叙額勒登保現因辦理善後事宜暫留川省其賞件即由驛發往德楞額秦業已起程來京著派伊子乾清門侍衛副都統銜蘇冲阿親齎賞件馳駟迎交祇領四川總督勒保湖廣總督吳德光陝甘總督惠齡督率地方文武及堡寨人民幫同設捕勤勉出力著加恩均交部議叙再發去白玉搬指三個翡翠搬指二個瑪瑙搬指一個磁搬指十個磁帶頭十個磁鼻烟壺十個大荷包一對小荷包十個著加恩賞給出力將領官員又給兩重銀牌一百面五錢重銀牌二百面著加恩



丁兵勇均經峇額勒登保分給並著查明  
出力人員據寶保奏候朕施恩以示鼓勵軍機大臣  
承旨書諭獲與觀成大學士慶桂宣力有年且在軍  
處行走班次居首著加賞戴雙眼花翎大學士董誥  
子華洪本由廕生任戶部員外郎著加恩以郎中用  
書劉權之尚書德瑛在軍機處行走已越一年劉權之  
著加恩交部議叙德瑛昨因會同禮部具摺字句粗忽  
部議上時已經加恩留任此次毋庸交部議叙尚書戴  
衢亨之子年尚幼稚伊姪候選縣丞戴嘉穀著加恩賞  
加知縣陞銜仍令在

城口廳志

卷十二

武功

六十六

實錄

館効力行走軍機章京等著軍機大臣查明出力之員  
據寶保奏候朕加恩本日接遞喜摺之奏事處員外郎  
瑞宣著加恩賞戴花翎仍交部議叙其在奏事處領班  
之御前侍衛副都統扎克塔爾及郎中滿保清安員外  
郎常申德興克蒙額均著加恩交部議叙兵部捷報處  
之員外郎景德著加恩賞戴花翎員外郎德昌前已賞  
戴花翎主事札蘭泰前已賞戴藍翎著與筆帖式輔良  
劉永澤均加恩交部議叙其自軍營至京沿途各驛站



接遞喜摺之官員夫役俱著加恩交該督撫查明分  
陞賞用示歲功行慶至意欽此

嘉慶九年八月初四日奉

上諭本日據德楞泰奏報官兵批住餘匪大加痛勦生擒  
偽元帥羅思蘭符定富偽總管王宗福紀友亨蕭昌奉  
等夥匪七十餘名殲斃偽元帥李明玉周天良偽總管  
王仕奇袁泰二姓及牙手多名一摺覽奏欣慰川陝餘  
匪經官兵搜捕以來總在老山箐林潛竄德楞泰自三  
月間在陡巖尖奏捷一次迄今半年有餘該匪等恃險

城口廳志

卷十二

武功

二十七

奔逸官兵未能痛加殲勦屢經降旨飭催今據奏稱本  
月十二日賊匪竄至鳳凰寨經楊遇春豐紳等分兵三  
分併力並進鏖戰逾時賊匪敗上埡口適馬瑜等督率  
弁兵緊躡追來兩面夾擊計先後斬擒賊匪一百數十  
名並偽元帥偽總管多名可見搜捕日久鎮將弁兵等  
尚非心存懈玩自因賊匪負踞險阻兼以夏令雨水載  
塗未能即時得手此次賊匪甫出箐林即能殲獲首夥  
多人大得勝仗官兵甚屬出力此尚係額勒登保在軍  
營時與德楞泰籌商布置調度有方前因伊二人督辦



通北曾降旨草去紫蓋裝戴單眼花翎俾知別屬茲於  
書馳報自當即沛恩施額勒登保德楞額均著賞還紫  
韁並雙眼花翎楊遇春豐紳馬瑜田朝貴均著交部議  
叙外發去大荷包五對小荷包五對四喜玉搬指五個  
白玉翎管五個白玉鼻烟壺二個瑪瑙鼻烟壺三個著  
交德楞額分賞此次打仗各官員其尤爲出力者並著  
據實保奏此次打仗兵勇俱著賞給一月錢糧並發去  
一兩重銀牌二百面著查明兵勇內殺賊出力者格外  
賞給以示獎勵再本年四月內額勒登保等奏請陞調

武職之於將哈豐阿等三十餘員當交軍機處存記並  
著德楞額查明各員內如有尚未陞用此次復在事出  
力者即著酌量奏明陞補如業經陞者即可毋庸置  
議現在零匪祇剩二百餘人業已披靡散竄德楞額泰當  
乘此勝勢督飭鎮將等齊心勉力再能痛殲一兩仗即  
可掃除淨盡至此次生擒之偽元帥羅思蘭等五名均  
係有名賊目罪惡稔著不可稽誅德楞額泰現交管押並  
著于提審後即行正法以快人心其賊目苟朝九尚無  
下落務當隨時留心查訪以期必獲一經擒捕即當



法處治速行馳奏歲功完善勉之望之將此由五百  
諭令知之欽此

嘉慶九年十月十一日奉

上諭勒保奏探聞軍營大功告歲並川省搜捕零匪情  
一摺覽奏俱悉川陝邊界零匪前經德楞奏報歲功  
後續又各處排搜擒斬四五十人現在已無成起之賊  
惟九月桂涵兩路所追入川之賊俱不過十餘名爲數  
已屬無多今勒保亦稱散竄之賊或三五人或十餘人  
自不值以大兵搜捕此時山內零匪德楞奏分派官兵

城口廳志

卷十二

武功

六十九

嚴密排搜設有混入腹地之賊必當責成地方文武併  
力協緝以期淨絕根株從前查拏邪匪皆地方官辦理  
不善其實係習教者或得錢賣放如首逆王三槐曾經  
被獲旋即賄縱此其明証而並非習教者轉致婪索誣  
陷以致激成變流毒數年勞師糜餉至今方得歲事此  
時祇剩零星散竄之賊爲數甚少若州縣各員再不實  
力督捕惟利是圖則是全無人心矣勒保應責成地方  
官遇有賊匪竄至該境務當上緊嚴拏其緝捕疎懈者  
卽嚴行叅處倘有營私圖利任意妄拏冤抑良民者尤



應從重治罪勿稍姑息其為朝九王作經王世貴三犯  
內若有一犯職擒供証確鑿該督即速行傳知通省以  
某犯業經職擒勿再輟轉搜緝致有株累為要再另片  
奏審訊為新兒不知為朝九下落該外委王良等拏獲  
時問係為元帥義子現在拏獲之偽元帥本名為朝賢  
等語為新兒如實係為朝九之子自應緣坐倘祇係為  
朝賢擄掠收為義子則其罪尚輕著將為新兒暫行監  
禁俟為朝九被獲後當面質對明確再行奏聞辦理可  
也將此諭令知之欽此

城口廳志

卷十二

武功

七十

嘉慶十年閏六月初五日奉

上諭德楞泰奏職斃首逆王世貴驗訊屬實一摺所辨甚  
好王世貴為著名逆首日久稽誅潛匿老林猶敢抵拒  
官兵今經羅思舉派委弁兵探踪會哨奮勇迎擊將該  
逆即偽總兵謝應洪一併殲斃業經提訊指認屬實可  
見鎮將等督率弁兵搜捕餘孽尚屬認真出力該鎮將  
等業據署督遵照賞格給予銀兩此內外委王明遠等  
即以把總陞用其爭先趕上殺斃該孽之藍翎軍功  
相鄰著賞給五品頂戴並賞換花翎以示獎勵其



殺賊十餘人著德楞泰詳細查明開單分別保奏候朕  
施恩至德楞泰前奏太平之白菓壩及化龍山裂子坪  
等處竄入川界零匪共有三十餘名此次殲擒者不及  
十人其餘三十餘零匪尚在潛竄安知王作經不即在  
其內德楞泰仍當督飭鎮將等仍前奮勇協力搜緝務  
將此等餘匪按名殲淨以絕根株如果能將王作經就  
獲尚當沛以恩施也又據另片奏請添給兵丁口糧米  
一分之處已照所請降旨加恩矣將此諭令知之欽此